

Строитель

ГЧП(б)-лэн Удмуртской АССР-ысь Иж райкомезлэн но райсоветлэн органы.

6-тй арзэ потэ. № 40 (624) 6 май 1940 ар Дурыз 5 коп.

Большевистской печатьлэн нуналыз

Арлы быдэ, 5 мае, асьмелэн странама пус'е большевистской печатьлэсь нуналэ. Та нуналэ 1912 арын потйз «Правда» газетлэн нырысетй номерез, солэн организатор'ёсыныз но инициатор'ёсыныз луо быдэс дуннеысь трудящойёслэн вожд'ёсы Ленин но Сталин.

Большевик'ёслэн партизы печатьлы котьку сётыліз но сётэ туж бад'зым значение. «Газета, — шуиз Владимир Ильич Ленин, — коллективной пропагандист но коллективного агитатор гинэ өвёл, но озы ик коллективной организатор но». Асьме социалистической страналэсь трудящойёссэ печать мобилизовать, вооружать каре. ВКП(б)-лэн 18 с'ездэныз пуктэм великой задачеосты быдэстонлы. Печать организовать каре трудящойёсты куиньметй сталинской пятилеткез, социалистической общество лэсьтонэз йылпум'ян но социализмысь пумын коммунизмэ выжон пятилеткез быдэстонэ.

Социализмлэн странаезлэн печатез бад'зым кужымлы будйз. Со сярысь туж умой вера асьме газет'ёслэн тиражызылэн будэмез. 1939 арын СССР-ын 9.000 газет'ёс 38 миллион экземпляр разовой тиражен потйзы. Озы тйни газет'ёслэн лыдзы, 1913 арэн чашатыса, будйзы 10 поллы, нош разовой тиражез — 14 поллы.

Жог будэ национальной печать но. Асьме Удмуртской республиканын гинэ удмурт кылын 26 газет потэ, соолэн тиражы 80 сюрс экземплярылэсь трос. Печатной газет'ёсын чаш вань на туж трос бордгазет'ёс, куд'ёсыз поттылйсько предприятиясын, колхоз'ёсын, учредениосын, школаосын. Одыг асьме районнын гинэ сюлэсь трос бордгазет'ёс пото.

Асьмелэн ожыт өвёл умой ужась бордгазет'ёс, куд'ёсыз активно юртто аслаз колхозезлы, предприятиезлы, со азын сылйсь уж'ёсты быдэстыны. Тунэ ми га-

зетама поттыськомы Юськинской сельсоветысь «Виль улон» колхозлэн, «Колхозник» нимо бордгазетез сярысь заметка. Бордгазетлэн редколлегиез (редакторез Веревкин эш) возматэ пример, кызы организовать карыны кулэ колхозник'ёсты вылй урожай бастон понна нюр'ясконэ. Умой ужа «Красная горка» колхозысь бордгазет но. Сюлмасыса, яратыса лэсьто бордгазетез Шабердинской сельсоветысь «Виль улон» колхозын. Та бордгазет организовать каре колхозник'ёсты ю-нянлэсь удалтонэз жутонэ. Бордгазетез умой поттыны юрттэ неполной средней школазлэн дышетйсьез Баталова эш.

Но асьме районнын сыче бордгазет'ёс но трос, куд'ёсыз куке-соку гинэ потыло. Озы луэ нырысь ик отын, кытын первичной партийной но комсомольской организациос уг вис'яло саклык'ёс бордгазетлы, соослэсь ужзэс пуктыны уг сюлмасыко. Кылсярысь, озы вераны луоз ВКП(б)-лэн Верхне-Люкской кандидатской группаез сярысь (парторгез Подойницын эш). Бордгазет'ёслэн ляб ужамзылы районной газет но янгыш луэ. Районысь бордгазет'ёслы ми ожыт юрттыськомы на.

Трос вань на тырмытэ интыосыз «Сталинец» районной газетлэн. Ляб пуктэмын районысь бордгазет'ёслэн редактор'ёсынызы но рабселькор'ёсын воспитательной уж, районысь азымынйсьёсты газетэ гож'яны ляб кыкыськомы, рабселькор'ёслэн гожтэт'ёсылэн действенностьсы понна нюр'ясконэ кулэз'я өвёл на пуктэмын но мукет.

Ми газетама тунэ поттыськомы кёня ке лыдзис'ёслэсь замечаниос'ёс, чектон'ёссэс. Соос туж шонер'ёс. Азыланын уката умой ужаломы, чтобы быдтыны вань тырмытэосты. Эшшо но трос но умой ужаломы партилэн 18 с'ездэзлэсь решениосэ быдэстон понна.

Красной площадын первомайской парадлэн участник'ёсызлы Кремльын прием

2 мае жыт Кремльын прием вал Красной площадын военной парадлэн участник'ёсызлы.

ВКП(б)-лэн Центральной Комитетезлэн но СССР-лэн правительствозлэн өтемзы Бад'зым Кремлевской Дворце люкасыкызы Красной Армилен но Военно-Морской Флотлэн боец'ёсыз, командир'ёсыз начальник'ёсыз, политработник'ёсыз.

Партилен но правительстволэн кивалтйсьёсызлэн Армилен но Флотлэн представительёсынызы, пламенной советской патриот'ёсын пумиськылон'ёсы кемалась дано традициен луизы ини. Празднично накрыть карем жок сьорын пумын трос но трос адымиос, куд'ёсыз асьсэлэн бесстрашной подвиг'ёсынызы родиназэс дан'яло, удостоить каремын вылй наградаослы — Советской Союзлэн Героезлэн нимызылы,

СССР-лэн орден'ёсызлы но медаль'ёсызлы.

Георгиевской залэ пото Сталин, Молотов, Ворошилов, Калинин, Каганович, Андреев, Микоян, Шверник, Берия эш'ёс но мукет'ёсыз. Сталин эшез но солэсь соратник'ёссэ дан'яса кужмо овация жутске.

Приемын вал ВКП(б) ЦК-лэн член'ёсыз, СССР-лэн но РСФСР-лэн Верховной Совет'ёсылэн депутат'ёсыз, военной работник'ёс, оборонной промышленностьлэн предприятияосызлэн стахановец'ёсы, инженер'ёс но техник'ёс, наукалэн литературалэн но искусстволэн тодмо деятельёсыз.

Прием ортчиз кёня ке час чоже мылдыдо, дружеской обстановкын. Куноослы бад'зым концерт сётэмын вал.

(ТАСС).

Нырысетй май Москваын

1. Красной Армилен Первомайской парадэз

1940 арын 1 мае Москваын Красной площадь вылын Красной Армилен парадэз возматйз Советской Союзлэсь вормыны луонтэм военной кужымзэ, Красной Армилен славной воин'ёсызлэсь доблестьсэс но боевой мастерствозэс, солэсь калыкен единствозэс но люкыны луонтэм герзасыкемзэс. Красной Армилен парадэз синмасымон, мур волновать карись демонстрациен вал.

12 часын мавзолейлэн трибунаез вылэ тубо Сталин, Молотов, Каганович, Калинин, Андреев, Микоян, Шверник, Берия, Маленков, Димитров, Шкирятов, Булганин, Вышинский, Вознесенский, Первухин, Малышев, Бадаев, Щербаков, Пронин но мукет эш'ёс, Народной Комиссар'ёс. СССР-лэн Оборонаезлэн Народной Комиссарез Советской Союзлэн Маршалез Климент Ефремович Ворошилов эш принимать каре парадлэн командующезлэсь Советской Союзлэн Маршалезлэсь Буденныйлэсь рапортэс но соин чаш ортче войскоослэн ряд'ёсы дортй праздникез зечкыласа боец'ёсты, командир'ёсты но политработник'ёсты. Кужмо «Ура» куараен вазыско Красной Армилен воин'ёсыз яратоно наркомлэн зенкыла-мезлы.

Собере Ворошилов эш мавзолейлэн трибунаез вылэ тубыса татысен речь вера, кудзэ радио быдэс странаез вёлмытэ.

Красной Армилен частьёсызлэн церемониальной маршез кутске.

Площаде пыро Обороналэн Наркоматезлэн центральной управлениезлэн начальствующой составезлэн сводной полкез но Военно-Морской Флотлэн Народной Комиссариатезлэн батальонез. Соос сьоры — Красной Армилен академиезлэн питомец'ёсыз. Фрунзелэн нимыныз

нимам кыкпол орденосной Военной Академиелэсь знамязэ нуэ Советской Союзлэн Героез капитан Мошляк, кудйз Заозерной сопкалэн йылаз нырысь пуктыз асьме родиналэсь горд флагзэ.

Бад'зым жуткем мылдык кылдытэ краснофлотец'ёслэн отрядзы. Андан шлем'ёсын, асьсэлэн слаженностенызы, безукоризненной выправкаенызы паймытыса, винтовкаосын мертаса кадь площадь выла вামыштэ пехота. Мыно Красной Армилен доблестной стрелок'ёсыз, советской границаослэн зоркой часовойёссы — НКВД-лэн войскоосыз.

Төл сямен ортчо умоесь вал'ёс вылын красной кавалерист'ёс.

Лобзыса кадь кошкысь мотоциклет'ёс устыты парадлэсь кыкетй люкетэ — Красной Армиелэсь военной техниказ возматонэз.

Мынэ моторизованной пехота. Со бёрсы кужмось автомашинаос вылын — зенитной пулемет'ёс, пушкаос, прожектор'ёс. Сюрс'ёсын учкысьёс, син'ёссэс кынылытэж учкызы трос пумо артиллерилэсь ортчемзэ — мелкокалиберной, средней но бад'зым кужымо артиллериез.

Авто-бронетанковой частьёслэсь парадэс устыты жог ветлйсь куинь танк'ёс. Пумтэм мыно муз'ем вылтй ветлйсь броненосец'ёс.

Парадлэн заключительной люкетэныз луиз площаде сьёдалэсь пурись буям гигант'ёслэн — танк'ёслэн вуэмзы, куд'ёсызлы сыче просторной площадын кык радэн султыса но люкыт вал.

Минут'ем чалмыт — самолет'ёслэн мотор'ёсы чашетыны куткызы. Пумтэм-йылтэм бомбардировщик'ёслэн, истребительёслэн эскадрильяоссы кылдызы. Парадын участвовать карызы 634 самолет'ёс.

2. Красной площадын трудящойёслэн демонстрацизы

Кускиз столицасысь трудящойёслэн первомайской шествиызы.

Тобасыке Ленин орденез изображать карем бад'зым макет. Та колонна столицасысь азымынйсь предприятилен «Красный Пролетарий» заводлэн. Демонстрант'ёс, Трехгоркалэн, «Серп но Молотлэн», Сталинлэн нимыныз нимам автозаводлэн но мукет предприятиослэн рабочийёсы лозунг'ёсасы но диаграммаосазы данэн рапортовать каро асьсэлэн производственной вормон'ёсы сярысь.

Площадь вылэ пыризы портэмлэсь но портэм выль автомобиль'ёс. Со малолитражкаос — «Кимлэн» нимыныз нимам заводлэн коллективезлэн синмасыкымон первомайской подарокез, кудйз автомобилестроенилен ужась предприятиосыз пёлы пыриз ини.

Демонстрант'ёс мавзолей доры вуыны дырто. Отын, мавзолей вы-

лын Сталин эш сылэ. Сюрсэн лыд'ясыкыс адымиос приветствовать каро самой дуно, яратоно муртэ, жытыло йыр вылазы асьсэлэсь пинал'ёссэс. Зечкыласа, шумпотыса Сталин эш кизэ вылэ жутэ.

Ортчо школьник'ёс, студент'ёс, осовахиомовец'ёс, ворошиловской стрелок'ёс, летчик'ёс но парашютист'ёс. Демонстрант'ёс пёлын Советской интеллигенцилен трос лыд'ем представительёсыз.

Столицалэн трудящойёсызлэн праздничной ликованиызы 183 миллион'ем советской калыкклэсь единствозэ но партия но правительство котыре, родной Сталин котыре сплоченностьсэс возматйз.

Одыг миллион но 800 сюрслэсь ис трос адыми участвовать кариз Красной площадын демонстрациын.

(ТАСС).

Кизёнлэн азымынйсьёсыз

«Красная горка» колхоз тысё юосты кызыса быдэстйз. Тросэз машинаен но сортовой но протравить карем кидысэн гинэ киземын. Тямыс гектар вылэ нитрогировать карем кёжы киземын.

Кизён умой ортчиз. Котькудыз колхозник аслэстыз обязательствоосэ мылын-кыдын но дыраз быдэс'яз. Трос будйзы стахановец'ёс но ударник'ёс, куд'ёсыз ужан нормазэс мултэсэн быдэс'язы.

Кизисёс Христоролюбов Константин но Христоролюбов Степан нормая 4 га интые быдэн 4,5 га

кызылызы. Христоролюбов Трофим зябез культивировать каронын нунал чоже 3,5 га интые 4,5 га быдэс'яз. Христоролюбов Андрей «зигзаг» усыен нормаез быдэс'яз 200 процентлы.

Умой ужало мукет ужын ужась колхозник'ёс но. Кылсярысь, кладовщик Христоролюбов Матвей ачиз кидысэз протравлять карылыз но нуллыз бусые. Конох Пивоваров Павел нуналлы быдэ валкыткет тйрлык'ёсты эскерылйз, тупат'ялэз соосты. Со но юрттйз кизёнэз жог быдэстыны. Баранов,

СОЮЗНИК'ЭСЛЭН БАДЗЫМ ПОРАЖЕНИЗЫ

Средний Норвегийсь англо-французской войскоослэн жоген чигнамы. — Норвежской войскоослэн командующойзылэн приказез. — Английской печать общинаослэн палатаязы Чемберленлэн выступлениез сярись.

Кызы ивортлымын вал ини средний Норвегийсь Тронхейм но Намсос районьсь англо-французской войскоос «стратегической» соображениос'я союзник'эслэн командованиенызы «отозвать каремын» вал. Та ужпум'я 2 мае общинаослэн палатаязы английской правительстволэн премьер-министрез Чемберлен выступать карыса вераз, что союзник'эс решить каризы отказаться кариськыны Тронхеймез юг паласен бастонлэсь но асьсэлэсь войскоосэс та районьсь отозвать каризы со вылысь, чтобы соосты мукет интыосы ыстыны.

Озы ке но иностранной печать но средний Норвегийсь союзник'эслэн войскоосылэсь пегыса сямен жог кошкэмзэс адзись'эс дун'яло сое англо-французской военной блоклэсь бадзым пораженизэ кадь. Союзник'эслэсь Намсосысь чигнан дыр'язы отын находится карем Альянс американской агентстволэн корреспондентэз ивортэ, что со чигнан туж жог орчиз но паймымон вал. Англо-французской войскоос отступать каризы нуназе но кыче прикрытиетэк. Соин сэрэн трос адями быриз. Германской самолет'эс вискарытэк пулемет'эсысен ыбыллызы, бомбаос куязы город но порт вылэ. Дыр'ямынызы союзник'эслэн войскоосы оружиосэс, военной снаряжениосты, телефон'эсты, радиоустановкаосты, полевой кухняосты, дйскут'эсты куштыллызы, ваньзэ сое судноосы погрузить карыны быгатытэк.

Та борды ватсано луэ на, что союзник'эслэн командованызы отступать карон аслэсьтыз «стратегической» планзэ быдэ'яса, өз но иворты со сярись норвежской войскоослэн командованызылы, кудиз действовать каре Тронхейм районь. Приказын, кудиз гожтэмын Тронхейм районьсь норвежской войскоосын командовать карисьлэсь обязанностьэс нуйсь Гец полковникен, верамын: «английской но французской командование ласянь валантэм акт лэсьтэмын вал: мыным ивортытэк соос кельтизы усьтэмэн мынысьтым фланг'эсме но тылэз. Озы тини мыным отступить каронлы луонлык вандэмын». Валаса, что азыланьын пумит'яскон бессмысленно луэ, Гец ивортэ германской командованылы контакт лэсьтыны мылкыд карыса, Тронхейм районьн мир заключить карон целен.

Норвегийн положениен сэрэн тросэз английской газет'эс союзник'эслэсь ужрад'эссэс но английской правительстволэсь действителоссэ чурыт критиковать каре. «Ньюс Кроникл» газет передовой статьяз гожтэ: «стратегической отношении асьмелы удар лэсьтэмын. Та ударлэсь политической бервыл'эссэ лыдэ бастыно ке, воевать карымтэ нейтральной странаослэсь асьмелы отношении ласянь, вераны луоз, что асьмеос бадзым поражение нуимы».

Печать куре эскерыны Тронхеймьсь но Намсосысь английской войскоослэсь чигнам музгэс но куштыны пост'эсысьтызы, янгыш лэсьтэм адямиосты. (ТАСС).

Бордгазет тулыс кизёнын

Юськинской сельсоветысь «Вильулон» колхоз вазь кизёно тысь юоссэ кизёнез районьн ик нырысь быдэстйз. Талы туж бадзым юрттэт сётйз «Колхозник» нимо колхозной бордгазет.

Вылй урожай бастон понна колхозник'эсты но колхозницаосты организовать кароньн бадзым уж орчытэ бордгазет. Аслаз страницасоз со тулыс кизён азелы дасяскон дыр'я ужысь тырмынтэосты шараяллыз, колхозник'эслэсь саклыкэс вис'яз со тырмынтэосты быдтыны.

Загуляев эшлэн бригадаез кизёны дасясконьн бере кылбылыз, трос вал тырмынтэосыз. Ваньмыз таос сярись бордгазет гожтйз. Загуляев эш критикаез лыдэ бастйз но ужзэ жог тупатйз. Нош тысь юосты кизёнез колхозын нырысь быдэстйз.

Кизён кутскем дырысен ини бордгазетлэн редколлегиез (редакторез Веревкин эш) куинь номер газет поттйз. Бордгазет номерыс номере возматэ колхозлэсь стахановец'эссэ, гож'я ужысь тырмынтэ интыос сярись.

Тулыс кизёнлэн кыктэтй нуналаз куд-огез колхозник'эс кык норма быдэстйзы. Озы, колхозник Пушкин Федор но комсомолка Казан-

цева зябез культивировать кароньн ужаса нормаэс быдэн 200 процентлы быдэстйзы. Бордгазет соос сярись гожтэ ни. Азымын'эслэн лыдзы будйз нуналлы быдэ но соос сярись, соослэн ужамзы сярись бордгазет котькуд номераз гож'я.

Газет юрттэ тырмынтэосты быдтыны, мылкыдтэк ужась колхозник'эс сярись но гожтэ. Кизён кутскемлэн одйг нырысь нуналаз Пушкин счетоводлэн юэменыз ужам нуналлы итог лэсьтэмын ой вал. Кыктэтй нуналаз борд газет со сярись гожтэ ни. Колхозлэн правлениез кутэ ужрад'эс, уж тупатскиз. Со выллем ик луиз Хлебков конюхен но. Солэн виноватэныз кизёнлэн кыктэтй нуналаз вал'эс сюдэмын туж бере кылбыса, соин сэрэн колхозник'эс ужаны мынйзы чукна 5 час интые, 7 часын гинэ. Кутэмын вал та ласянь кулэ ужрад'эс но собере сыче уж'эс өз луылэ ни.

Колхозник'эс бадзым интересэн лыдэ но участвовать каро бордгазетын.

Бордгазетлэн редколлегиезлы ужаны юрттэ начальной школалэн дышетйсез Захарова эш.

В. Протопопова.

Лыдзись'эс «Сталинец» газет сярись

Зарни медален наградить карем колхозниклэн кылыз

Трос ар'эс чөже мон ужасько «Ударник» колхозлэн МТФ-езлэн заведующоез луса. 1939 арын Все-союзной сельхозвыставкалэн Главной Комитетэз, пудолэсь продуктивностьэ жутэм но пудо йырлыдэз утялтам понна, наградить кариз монэ пичи зарни медален. Партилы но советской правительстволы мон тау карисько вылы наград понна.

Милям бригадаез бастэм азинскон'эсмылы трос юрттйзы газет'эс. Мон лыдзисько сельскохозйственной литератураосты, «Удмурт Коммуна», «Егит большевик» но

асьме районной «Сталинец» газет'эсты.

Ижевской районьн будо, паськытало сельской хозяйстволэн юрттэм отрасльэсыз, кылсырьсь, бакча сион мерттон, пудо вордон но мукет. Но «Сталинец» газет азымын'эслэсь ужан опытэс тырмыт уг гож'я на.

Газет туж пичи. «Сталинец» газетэз кык поллы бадзым карыса умой луысал.

Горбунов,

«Ударник» колхозлэн МТФ-езлэн заведующоез.

Мынам чектон'эсы

Большевицкой печатьлэн нуналаз пусйыны кулэ «Сталинец» газетлэсь ужамзэ.

Районной газет колхоз'эс, колхозник'эс сярись заметкаос гож'я. Тырмынтэ интыосты критиковать каре. Редакция бордгазет'эслы ужась'эсты дася. Ваньмыз со умой, — со мобилизовать каре колхозник'эсты партилэсь но правительстволэсь постановлениестэ быдэстонэ.

Таин чөш мынам верам потэ, что газет ожит поттылэ на научно-агрономической совет'эсты. Озы ик газет бамысь адзыны уг луы литературно-художественной материал'эсты. Рассказ'эс, очерк'эс, кылбур'эс газетын уг луыло.

Газетлэн со бадзым тырмынтэез. Азыланьын редакция сое лыдэ бастыны кулэ.

В. Егоров,

райгазетлэн селькорез.

Виль ивор'эсты дыраз печатлано

«Сталинец» газет 6 нуналскын 2 пол потэ. Районной газетэн лыдзись'эс интересоваться карисько. Лыдзись возьма газетлэсь международной вопрос'эсты но озы ик асьме родинаысь виль ивор'эсты дыраз печатламеэ. Но куддыр'я га-

зет та'че материал'эсты сётонэн 1—2 нуналлы бере кыле.

Мынам чектонэ: «Сталинец» газетын асьме странаысь виль ивор'эсты но международной вопрос'эсты дыраз гож'яны кулэ.

Макаров.

Азымын'эс пöлысь автор'эсты газетэ гож'яны кысконо

«Сталинец» районной газет асьме районьсь улонэз, ужамез умой гож'яны кулэ. Со понна трос луыны кулэ газетлэн селькор'эсыз умой, азымын'эс колхозник'эс пöлысь, сельской хозяйстволэн специалист'эсыз пöлысь. Газетын азылане паськыт возматэно соослэсь ужан опытэс, трудэз организовать карон сярись, агротехника сярись

статьяос тросгес поттылоно.

Газет эиншо но чурыт критиковать карыны кулэ лодыр'эсты, рвач'эсты, куд'эсыз колхозэз юнматонлы люкетэ.

Тини мынам вакчияк сыче замечаниосы но чектон'эсы.

Юминов,

райзолэн главной агрономез.

Вазь кизёно валэс юосты кизёнлэн мынэмез сярись Ижевской райзолэн сводкаез (1 майлы 1940 арлы)

№№	Сельсовет'эс	Ваньмыз кизёмын гектарен	Процентэн вераса план быдэстэмын	Соплэсь, кормовой кулэ-тураослэн тырмыт'эсэн
1.	Лудорвайской	799,3	37,2	32
2.	Юськинской	823,6	65,2	20
3.	Козловской	226	15,4	14
4.	Сов-Никольской	867	40	6
5.	Шабердинской	528,8	41,5	8
6.	Люкской	303,2	21,9	—
7.	Б-Кияйской	131,1	27,7	—
8.	В-Люкской	150	13,1	—
9.	Пазелинской	226	22,8	—
10.	Ягульской	255	22,5	—
Ваньмыз район'я		4310	32,1	10

Тракторной уж'эслэн быдэсметмы сярись сводка (1 майлы 1940 арлы)

Бригадалэн номерез	Бригадир'эслэн фамилияоссы	Ваньмыз лэсьтэмын небыт гыронэ лыдэса (гектарен)	Процентэн вераса план быдэстэмын
1.	Иванов В.	113,5	55
2.	Семенов М.	147,3	51
4.	Русских И.	82,33	22,3
3.	Бечегов Г.	66,16	21,6
5.	Резванов Г.	60	69,6
6.	Цигвинцев П.	79,71	22,8
7.	Афонов П.	68,7	42
8.	Мальшев.	176,6	55
9.	Халывин С.	130,7	27
10.	Маратканов И.	60	35,4
11.	Христоробова А.	89	62,4
12.	Кабанов Д.	71,09	45
13.	Петров Т.	41,05	5
14.	Пушин М.	—	—
15.	Пушин М.	—	—
17.	Куклин П.	—	—
16.	Пермяков Ф.	—	—
18.	Холмогоров.	—	—
Ваньмыз		1187	29,4

Кизёнез берелы кельто

«Югыт сюрес» колхоз тулыс кизёнен чидантэм бере кыле. 30 апрельлы киземын вал 112 гектар гинэ, со планлы 27 проц. луэ.

Татын янгыш луэ колхозлэн председателез Булатов но бригадир'эс. Соос кизён азелы вал'эсты умой-умой өз дасялэ, вал'эс туж востэтэтэсь, сион вань луса вылысь.

Кизёнлэн зечлыкэз туж улийын. Кизем пöлысь 60 процентэз кыин киземын, кидыс урод заделать каремын.

Ужан дисциплина но туж ляб. Азывъл кылдытэм постоянной звеноос ужаны потэм бере сурамын. Бригадир'эс бусые туж шер вуыло. Бусые мыно ини соос нуназе бере гинэ. Зыкин бригадир нош алигес гинэ 2 нунал чөже юыса улиз, уже өз пота.

Клублэн заведующоезлы Зыкинлы кулэ вал кадь валэктон уж нуыны бусыын, колхозник'эс пöлын газет лыдзыны, бордгазет поттыны но мукет. Нош со номыр уг ужа, йыртэмаса ветлылэ. Бордгазетын со сярись гожтэм 2 заметкаез со кесям, нош 3-тй бригадалэсь газетсэ кабзэ лушкам. Урод ой луысал, сыче уж'эсты пöрыса куштыны вылысь прокуратуралы кутскыны.

Агафонов.

Кандалакша—Куолоярви виль чугун сюрес

30 апреле быдэстэмын лэсьтыса 160 километр куздылаен Кандалакша—Куолоярви вале чугун сюрес. Куолоярви табере герзамыны Мурманской чугун сюресэн.

(ТАСС).

Отв. редактор В. И. АЗИМОВ.